

秩官列傳

沔陽志十三

晉李陽成帝時守竟陵咸和三年從陶侃庾亮破蘇峻於石頭六年拔石虎將郭敬所陷新野及亮鎮武昌使毛寶樊峻戍邾城虎惡之以夔安為大都督帥李農張貉等五萬人寇荆揚北鄙二萬騎攻邾城咸康五年九月貉陷邾城寶峻死之安進據胡亭寇江夏義陽將軍黃冲太守鄭進皆降于趙安進圍石城陽拒戰破之斬首五千餘級安乃退

志十三

列傳

一

鄧遐字應遠陳郡人平南將軍嶽之子也勇力絕人號為名將哀帝隆和元年守竟陵燕呂護攻洛陽栢温遣遐及北中郎將庾希帥舟師三千人守之後守襄陽沔水中有蛟常為人害遐拔劍入水蛟繞其足遐揮劍截蛟數段而出卒贈廬陵太守

羅崇海西公時守竟陵太和二年夏四月燕慕容塵寇竟陵崇擊破之又南陽督護趙弘趙億據宛城降燕崇與荊州刺史栢豁攻宛拔之留

兵戍宛而還

桓石虔小字鎮惡譙國龍亢人征西大將軍開府豁之子也有才幹趨捷絕倫簡文帝時袁真以壽陽叛石虔以寧遠將軍南頓太守帥諸將攻之剋其南偏又擊符堅將王鑿于石橋獲馬五百匹除竟陵太守以父憂去職尋而符堅又寇淮南詔曰石虔文武器幹御戎有方古人絕哭金革弗避况在餘哀豈得辭事可授奮威將軍南平太守尋進冠軍將軍符堅荊州刺史梁

志十三

列傳

二

成襄陽太守閻震率衆入寇竟陵石虔與弟石民拒之賊阻潁水屯管城石虔設計夜渡水既濟賊始覺力戰破之進剋管城擒震斬首七千級俘獲萬人馬數百匹牛羊千頭具裝鎧三百領成以單騎走保襄陽石虔復領河東太守進據樊城逐堅兗州刺史張崇納降二千家而還太元十三年卒追贈右將軍追論平閻震功進爵作塘侯

史氏曰石勒符堅慕容暉并以黠胡雲擾中夏

憑陵繹騷闕我疆土陽遐崇虔先後奮臂挺鋒  
挫敵扼制驕虜時荆襄俱沒而竟陵孤危卒免  
陸沉石城激水之捷尤烈烈在耳目豈非躡蹻  
虎臣者耶

桓石秀石虔弟也幼有令名風韻秀徹博涉群  
書尤喜莊老常獨處一室簡於應接時人方之  
庾純甚為簡文帝所重豁為荊州請為鷹揚將  
軍竟陵太守非其好也孝武初代叔父冲為寧  
遠將軍江州刺史領鎮蠻護軍西陽太守鎮潯

志三

列傳

三

陽

趙統孝武時守竟陵太元九年四月相冲遣統  
攻襄陽荊州刺史桓石民復遣兵助之秦荊州  
刺史都貴犇魯陽

朱伺字仲文安陸人陶侃鎮荊州伺從侃討陳  
敏杜弢陳聲悉平之累遷廣威將軍領竟陵內  
史時王敦欲用從弟廙代侃為荊州侃故將鄭  
攀馬雋等乞侃於敦敦不許攀等以侃始滅大  
賊人皆樂附又以廙忌戾難事謀兵拒之遂屯

結湏口遣使告伺伺外許之而稱疾不赴攀等  
遂進拒廩既而士衆疑阻復散還橫桑口欲入  
杜魯時朱軌趙誘李桓率衆將擊之攀等懼誅  
以司馬孫景造謀拒廩因斬之降軌等廩將西  
出遣長史劉浚留鎮揚口壘時杜魯請討第五  
猗於襄陽伺謂廩曰魯是猾賊外示西還以疑  
衆心欲誘引官軍使西然後兼道襲揚口耳宜  
大部分未可便西廩性矜厲自用兼以伺老怯  
難信遂西行魯等果馳還廩乃遣伺歸裁至壘

即為魯等所圍劉浚以壘北門危欲令伺守之  
或說浚云伺與鄭攀同者乃轉守南門賊知之  
攻其北門時鄭攀黨馬儁等亦來攻壘儁妻子  
先在壘內或請皮其面以示之伺曰殺其妻子  
未能解圍但益其怒耳乃止伺常所調弩忽噤  
不發伺甚惡之及賊攻陷北門伺被傷退入船  
初浚開諸船底以木掩之名為船械伺既入賊  
舉鋌摘伺伺逆接得鋌反以摘賊賊走上船屋  
大喚云賊帥在此伺從船底沉行五十步乃免

遇醫療創小差杜魯遣說伺云馬儁等感卿恩妻孥得活盡以卿家外內百口付儁儁已盡心收視卿可來也伺荅曰賊無白首者今吾年六十餘不能復與卿作賊吾死當歸南妻子付汝乃還甌山時王廙與李桓杜魯相持累戰甌山下軍士數驚喚云賊欲至伺驚創而卒因葬甌山

史氏曰王敦左轉陶侃使從弟廙代之忌之也攀儁謀兵拒廙非惟不能留侃適以重敦之嫉

志三

列傳

五

而成侃之罪也伺之不赴是矣揚口之敗智足以料之而卒捐所愛以死傳稱伺有勇而不學亦諒直之士哉

魯軌雍州刺史魯宗之之子也安帝義熙十一年守竟陵初劉裕忌司馬休之起兵擊之休之勒兵拒焉宗之自疑不為裕所容與軌起兵應休之軌數擊殺裕將裕克江陵休之宗之俱北走軌留石城趙倫之沈子林復破之軌與休之等犇秦秦滅降于魏

南宋劉粹字道冲沛郡蕭人累功封潯陽縣男以憂去職高祖討司馬休之起粹為寧朔將軍竟陵太守統水軍入河後以佐命功改封建安縣侯卒贈安北將軍

劉道濟粹弟也初為車騎從事中郎元嘉三年討謝晦遣道濟與龍驤將軍沈敞之就粹自陸道向江陵粹以道濟行竟陵內史與敞之及南陽太守沈道興步騎至沙橋為晦司馬周超所敗後終振武將軍益州刺史

卷三

列傳

六

殷道鸞元嘉二年除竟陵內史時下詔討謝晦晦謀舉兵道鸞未之郡晦以為諮議參軍以弟遜為冠軍竟陵內史

趙伯符字潤遠下邳僮人也少好弓馬武帝時父倫之以安北將軍鎮襄陽伯符為竟陵太守時竟陵蠻屢為寇伯符征討悉破之由是有將帥之稱仕終護軍將軍丹陽卒謚曰肅

申謨魏郡魏人也世祖時與朱脩之守滑臺為魏所沒後得還元嘉中為竟陵太守

孟宗嗣平昌安丘人祖懷玉封陽豐縣男父慧熙嗣坐奪爵宗嗣爲竟陵太守

劉德頊元嘉二十七年大舉北征詔以江夏王義恭爲衆軍節度寧遠將軍竟陵太守南城縣開國侯劉德頊籍荆雍之勁攬羣師之銳宜由武關稜威震滲

薛安都河東汾陰人初以功封南鄉縣男孝建元年討魯爽安都時爲左將軍遣守歷陽有功遷輔國將軍竟陵內史世祖使沈慶之督統諸

志十三

列傳

七

軍慶之使安都追之及爽於小峴安都望見爽便躍馬大呼直往刺之應手而倒左右范雙斬爽首爽累世梟猛生習戰陳咸云萬人敵安都單騎直入斬之而反時人皆云關羽之斬顏良不過是也進爵爲侯後謀逆死

陳懷直泰始二年爲竟陵郡丞時晉安王子勛僭位張興世與劉胡戰于錢溪胡走入沔衆稍散比至石城裁餘數騎懷直在竟陵聞胡往過率數十人斫道邀之胡人馬旣疲自度不免因

隨懷真入城告渴與之酒胡飲畢引佩刀自刺不死斬首送京邑張興世弟僧產追胡未至石城數十里逢送胡首信將還竟陵殺懷真竊有其功郢州行事張沈偽竟陵太守丘景先聞敗變形逃走追擒伏誅

臧質字含文東莞莒人爲竟陵內史歷守三郡吏人便之後從劉義宣亂誅

周裴寬河東聞喜人保定元年出爲沔州刺史天和二年行復州事

志十三

列傳

八

齊劉懷珍字道玉平原人孝武中爲輔國將軍平胡中郎將徐州刺史後授寧朔將軍竟陵太守

曹景宗字子震新野人以膽勇聞頗愛史書每讀穰苴樂毅傳輒放卷歎息曰大丈夫當如是梁武爲雍州刺史景宗深自結附數請帝臨其宅時天下方亂帝亦厚加意焉表爲竟陵太守及帝起兵景宗聚衆并率五服內子弟三百人從軍帝至竟陵以景宗爲右衛將軍梁天監二



年封竟陵縣侯卒贈開府儀同三司謚曰壯  
史氏曰梁興景宗依日月末光賞茂通侯榮高  
列將配迹方邵勒勛鍾鼎亦風雲之感會也然  
景宗爲郢州鬻貨聚斂又躁動驕淫魏圍司州  
竟不時救爲任昉所彈豈純臣哉

房僧寄求元二年竟陵太守僧寄將還建康至  
郢梁武勅僧寄留守魯山除驍騎將軍

梁康絢字長明藍田人天監元年竟陵太守魏  
圍梁州刺史王珍國請救絢呂郡兵赴之魏軍

志三

列傳

九

退

柳仲禮河東解人簡文時司州刺史湘東王繹  
與岳陽王譽爲敵譽求援於魏繹使仲禮鎮竟  
陵呂圖營及南陽圍急杜岸請救仲禮帥衆於  
安陸竟陵郡守孫嵩呂郡降于魏仲禮乃使司  
馬康昭如竟陵討嵩嵩降仲禮命其將王叔孫  
爲竟陵太守而呂輕兵師于滌頭將侵襄陽營  
告急于魏魏遣楊忠援之仲禮敗沒王叔孫因  
斬嵩呂竟陵降于魏

王僧辯字君才太原人太清中竟陵太守三年  
七月湘東王繹遣僧辯及信州刺史鮑泉擊湘  
州分給兵糧刻日就道僧辯呂竟陵步下未盡  
至欲俟衆集然後行與衆入白繹來申期繹疑  
僧辯觀望按劔厲聲曰卿憚行拒命欲同賊今  
日惟有死耳因斫僧辯中其左髀悶絕久之方  
蘇卽送獄泉震怖不敢言僧辯毋徒行入謝自  
陳無訓繹意解賜呂良藥故得不死尋出之因  
代鮑泉克湘州封長寧公卒平侯景之亂後陳

志十三

列傳

一十

霸先襲之被殺長子顓承聖初位侍中魏剋江  
陵隨王琳入齊爲竟陵郡守齊遣王琳鎮壽春  
將圖江左及陳平淮南殺琳顓聞之出郡城南  
登高冢上號哭一慟而絕

李迺壽曰僧辯風格秀舉有文武奇才而逢茲  
酷濫幾致隕覆幸全首領卒對奇功事人之道  
於斯爲得

張惠紹字德繼義陽人也少有武幹齊明帝時  
爲直閣出補竟陵橫桑戍主尋爲竟陵太守

唐李齊物玄宗天寶五年為河南尹坐李林甫言朋黨貶竟陵太守見陸羽于伶人中異之授以詩後生子名復亦為是郡太守

竟陵太守公先人

周愿詩八十年前棠樹陰

陳璠復州長史初淮南將張瓌韓師德據復岳二州自署刺史時陳儒為荆南節度瓌引兵入殺儒據荆南瓌滑州人勇暴而殘荆故將夷戮幾盡廣明三年宗權遣趙德諲連攻之城陷瓌死璠從瓌至江陵密斷其首置囊中獻京師授

志三

列傳

十一

安州刺史

盧虔復州刺史

孟郊詩知音不韻俗獨立占古風忽掛觸邪冠遠逐南飛鴻肅肅太守章明明華轂躬高山無平路楚水有驚濤

昌黎韓愈序有地數百里趨走

崔訐復州刺史

其祿足以仁其三族其朋友故舊樂乎心則一境之人喜不樂乎心則一境之人懼丈夫官至

刺史亦榮矣雖然幽遠之小民其足跡未嘗至城邑苟有不得其所能自直於鄉里之吏者鮮矣況能自辯於刺史之庭乎由是刺史有所不聞小民有所不宣賦有常而民產無恒水旱厲疫之不期民之豐約懸於州縣令不以言連師不以信民就窮而斂愈急吾見刺史之難為也崔君為復州其連師則于公崔君之仁足呂蘇復

人于公之賢足且庸崔君有刺史之榮而無其難為者將在於此乎愈嘗辱于公之知而舊游于崔君慶復人之將蒙其休澤也於是乎言

于延陵宣宗十二年授建州刺史且不職貶復州司馬

董元素咸通中刺復州開五華山石堰渠

五代晉吳巒開運元年呂復州防禦使權知貝州事

漢王彥超臨清人漢初為復州防禦使時宋太祖徃依之不納後太祖登極建隆二年幸作坊

志十三

列傳

十二

宴射酒酣顧彥超曰卿曩在復州朕徃依卿何不納我彥超降階頓首謝曰臣當時一刺史耳勺水豈能容神龍邪使臣容陛下安有今日上大笑而罷之

宋梁延嗣京兆長安人少事高季興頗見委任歷事四帥人稱其忠蓋繼冲之納土也延嗣亦嘗勸之太祖嘉之開寶中授復州防禦使後因郊禮自復州入朝太祖慰撫之曰使高氏不失富貴尔之力也改濠州防禦

何文度紹興丁丑知復州得蘭亭石刻於民間

國子祭酒南昌胡儼記定武蘭亭石刻鐫損天

流帶右四字然又有肥瘦二本而鐫損者乃瘦

本為真定武後復州以此本重模亦鐫損四字

其字極瘦王順伯尤迥之爭辯如聚訟然瘦本

風韻竟勝又云復州裂本首六行斜裂第一行

闕會字又末字與二行會字三行畢字四行脩

字五行為流二字六行弦字正當裂處十三行

因字內改筆作小仲字十七行向之字差大二

十五行視昔下二字作圈夫字上露初也字末

行文字稍重乃景陵郡齋故物湮沒民間文度

搜訪得之又云蘭亭諸本當以復州本為勝次

豫章本次劉無言本次北京本其他皆不及也

史氏曰吉水王佐云定武刻轉移至揚州而失

宣德初何運使士英偶得之載歸金華獨復州

志十三 列傳 十三

者失所在爾夫古人片藝之長莫不寶惜況右

軍此帖號稱神助而定武復州之本又為逼真

文度搜得之遂致流播其賢於士英遠矣後有

復得者尚存之亦一方之嘉玩也

張垞元符中知復州張耒詩風流家世仁人

李森宣和時御史中丞時王黼秉政侍郎鄧之

綱婢入黼第不出鄧聞於朝送臺考評森以實

聞且劾其罪翼日黜知復州

焦惟正紹興中知復州胡寅伏羲廟記惟正秉

心純撫民惠在郡三歲

人和年豐

張適道知復州呂本中詩聞道復州賢太守只如前在武陵時相逢未說為州

樂所至先傳喜雨詩

謝棕字公定元祐中景陵主簿黃廷堅詩謝公文章如虎豹至

今班班在兒孫竟陵主簿極多聞萬事不理專討論澗松無心古須鬣天球不琢中粹温落筆

塵沙百馬奔劇談風霆九河翻胃中恢疎無怨恩當官持廉且不煩吏民欺公亦可忍慎勿驚

魚使河渾漢濱者舊今誰存駟馬高蓋徒紛紛安知四海習鑿齒拄笏看度南山雲

元安伯寧至正間沔陽府尹傳與礪詩見提封下

皇明許弼字廷輔黃巖人貢士洪武初沔陽府

志十三 列傳 十四

通判宋太史濂雲中辭序弼少以文名尤能挽強命中國初起應鄉闈遂中第二通判沔

陽府其剽煩劇如庖丁解牛恢恢乎游刃而有餘地矣

史氏曰諸公之政僅見於名賢之所稱述其詳

不可考已錄之者備遺也

郝崧絳人貢士正德初知沔陽九月致仕去抵

家其兄止崧於外取其牒視之知不以他歸始

聽崧入其家規如此

張璉濟南人貢士弘治末沔陽判官捐介有守

每出不受民一飯即飯之必償其直而後食嘗

行縣暮歸適城閉從者呼之璉曰此禁門也去宿叙從父家從父為具食璉覺遽起改宿於鄰比曉而入

李楫字濟之懷寧人進士正德十年以御史出判沔陽尋遷泰和知縣終貴州叅議

任佃字象虞南充人進士嘉靖六年以御史出判沔陽未幾遷江陵知縣

袁時習字本初洪武十一年沔陽學正優於詞翰有清掬集百餘韻

志十三

列傳

十五

辛榮鄱陽人末樂初沔陽訓導遷國子助教以學行轉提學僉事

徐曦字淑霽開化人弘熙時沔陽學正預修末樂大典選給事中以疾轉

楚府伴讀

彭質字尚彬南昌人儒士正統十年沔陽訓導善大字

林惟盛字培之新建人貢士景泰二年沔陽學正精地理易數嘗上疏請遷學不報遷鹽山知

縣

張順字弘裕錢塘人舉浙江第一天順元年沔陽學正善詩文草書所著有井觀慈庵西湖醉樵諸集

胡經字循綸安福人貢士景泰元年沔陽訓導優於文學善啓迪嘗修郡志三卷遷虹縣知縣陳明字文顯懷安人貢士弘治初沔陽學正有學行屢典文衡秩滿致仕歸所著有易安集林永茂長樂人監生弘治中沔陽訓導甫至即

志十三

列傳

十六

奔喪時遇節竟不少需而歸

喬著冠縣人正統初景陵主簿有修學功

李東字元震番禺人貢士正德中知景陵時澇後城隍多圯東俱修之又修廟學遷興國知州史氏曰璉廉而無為崧到官未久校官時習而下其文足稱其教則余生也後莫之能詳矣贊曰彬彬諸子弭節漢涯政教雖泯聲迹或遺爰擴散逸用備詢咨

秩官列傳